



**Ministarstvo poljoprivrede,
vodoprivrede i šumarstva**

**Ministarstvo poljoprivrede,
vodoprivrede i šumarstva**

Broj: UP1-06-21-4676/2025
Travnik, 12.08.2025.godine

Na osnovu člana 5. stav 1. i 2. Zakon o koncesijama („Službene novine Srednjobosanskog kantona“ broj: 8/09, 6/13, 9/15, 7/20, 10/21 i 14/23) i Odluke Vlade Srednjobosanskog kantona o davanju saglasnosti za pokretanju postupka dodjele koncesije za istražne radove, eksploataciju, preradu i korištenje sanitarne i tehnološke vode iz zatvorenog izvorišta (bunara) u količini do 3 l/s, na lokalitetu „Industrija“, naselje Večerska, na području općine Vitez broj:01-11.7-7271/2025 od 10.7.2025.godine Ministarstvo poljoprivrede, vodoprivrede i šumarstva, raspisuje:

JAVNI KONKURS

za podnošenje ponuda za dodjelu koncesije za istražne radove, eksploataciju, preradu i korištenje sanitarne i tehnološke vode iz zatvorenog izvorišta (bunara) u količini do 3 l/s, na lokalitetu „Industrija“, naselje Večerska, na području općine Vitez (po samoinicijativnoj ponudi)

1. Predmet koncesije

Predmet koncesije je istražni radovi, eksploataciju, preradu i korištenje sanitarne i tehnološke vode iz izvorišta zatvorenog tipa (bunara) u količini do 3l/s na lokalitetu „Industrija“, na području općine Vitez.

2. Vrijeme dodjele koncesije

Vrijeme dodjele koncesije i korištenje sanitarne i tehnološke vode iz izvorišta zatvorenog tipa (bunara) u količini do 3l/s, daje se na rok u trajanju od 30 godine računajući od dana početka korištenja koncesije. Početak korištenja koncesije je odmah nakon što ista pokaže da po kvalitetu i na osnovu mikrobiološke i fizičko hemijske analize spada u vode koje se u skladu sa odredbama Pravilnika o higijenskoj ispravnosti vode za piće, mogu koristiti kao sanitarne vode.

3. Lokalitet koncesije

Širi lokalitet koncesije je MZ Večeriska, općina Vitez. Uža lokacija koncesije za korištenje vode iz bunara je na parceli k.p.943 zv.„Industrija“, površine 1.879 m² k.o. VEČERSKA.

4. Pravo sudjelovanja

Pravo učešća na javnom pozivu imaju pravna lica osnovana u skladu s posebnim zakonima Federacije Bosne i Hercegovine, a koja su registrovana za obavljanje djelatnosti, koja je predmet javnog poziva, te imaju odgovarajuća stručna lica i opremu.

5. Naknada za koncesiju

Koncesija se dodjeljuje uz naknadu za koncesiju za eksploataciju i korištenje sanitarne i tehnološke vode od najmanje 0,10 KM/m³ iskorištene vode.

6. Sadržaj ponude

Ponuda treba da sadrži: „Tehnički dio ponude“ i „Finansijski dio ponude“:

a.) Tehnički dio ponude sadrži:

- naziv i tačnu adresu ponuđača (mjesto, ulica, broj, telefon, kontakt osoba i drugi podaci koji mogu poslužiti za efikasniju komunikaciju);
- ovjerenu kopiju Rješenja o upisu u sudski registar sa ovjerenim priložima ili drugog akta kojim se dokazuje da ponuđač ima pravo obavljati djelatnost koja je predmet koncesije;
- ovjerenu kopiju Uvjerenja o poreznoj registraciji;
- ovjerenu kopiju Uvjerenja o registraciji obaveznika poreza na dodanu vrijednost;
- uvjerenje nadležnog suda da odgovorno lice nije u posljednjih 5 godina osuđivano zbog kršenja propisa kojima se sankcionišu privredni prijestupi odnosno prekršaji;
- uvjerenje nadležnog suda da ponuđač nije pod stečajem ili likvidacijom;
- potvrdu nadležnog organa o redovnom plaćanju poreza;
- potvrdu nadležnih organa o redovnom plaćanju doprinosa za PIO/MIO;
- potvrdu nadležnih organa o redovnom plaćanju doprinosa za zdravstveno osiguranje;
- referenc listu ponuđača (lista glavnih usluga pruženih u posljednje 3 godine sa ukupnim vrijednosnim iznosima, datumima i primateljima);
- popis raspoložive opreme ponuđača.

b.) Finansijski dio ponude treba da sadrži:

- Studija o ekonomskoj opravdanosti izgradnje i korištenja koncesije sa procjenom uticaja na okoliš sa idejnim ili glavnim projektom: za zahvatanje vode sa pumpnim postrojenjem, postrojenjem za tretman, preradu i kontrolu zdravstveno-higijenske ispravnosti vode, te sa potrebnim pratećim objektima, sve na području „Industrija“, općina Vitez.
Studiju treba uraditi u skladu sa članom 7. Pravilnika o načinu procjene najpovoljnije ponude za dodjelu koncesije iz nadležnosti ministarstva poljoprivrede, vodoprivrede i šumarstva, te o dokumentaciji potrebnoj za postupak procjene (“Službene novine SBK” broj 4/10).
- izjavu ponuđača da nije bio neuspješan u izvršavanju ugovora o koncesiji u protekle tri godine do momenta objavljivanja Javnog poziva odnosno za korisnike koncesija potvrda kantonalnog Ministarstva finansija o redovnom plaćanju naknade za koncesiju;
- ponudu visine i načina plaćanja naknade za koncesiju;
- izjava o instrumentu osiguranja plaćanja naknade za koncesiju;
- ovjerena kopija bilanse stanja i uspjeha za zadnja dva izvještajna perioda;
- dokaz o uplati za sudjelovanje u javnom natječaju.

- c.) **Tehnički i finansijski dio ponude, prikladno uvezani, pakuju se u odvojene omotke i stavljaju u zajednički omot, koji se dostavlja na adresu naznačenu u Javnom pozivu.**
- d.) **Svi listovi ponude koji sadrže podatke koji omogućavaju komparativno vrednovanje elemenata ponude moraju biti ovjereni potpisom ovlaštenog lica ponuđača.**
- e.) **Sve novčane vrijednosti se izražavaju u valuti BiH.**
- f.) **Sva dokumentacija se prilaže u originalu ili ovjerenoj kopiji.**

7. Način dodjele koncesije

Koncesija će se dodjeliti prema D.B.O.T. sistemu (Desing, Build, Operate ,Transver - Projektuj, Izgradi, Upravljaaj, Prenesi) a uključuje:

- Izradu projektne dokumentacije;

- Finansiranje svih nabavki i nadoknada koje se tiču istražnih i eksploatacionih radova na izvoristu zatvorenog tipa (bunara) na lokalitetu „Industrija“, općina Vitez;
- Prikupljanje i realizacija obaveza prema izdatim dozvolama i sporazumima;
- Izgradnju i rekonstrukciju svih objekata potrebnih za istražne i eksploatacione radove na izvoristu zatvorenog tipa (bunara) na lokalitetu „Industrija“, općina Vitez;
- Konačnu prihvatljivost objekata od strane komisije;
- Probni rad;
- Komercijalni rad tokom perioda koncesije;
- Prenos objekata nakon isteka perioda koncesije.

8. Potrebne dozvole

Prije potpisivanja Ugovora o koncesiji odabrani ponuđač je dužan pribaviti Rješenje o prethodnoj vodnoj saglasnosti.

9. Kriteriji za ocjenjivanje ponuda i dodjeljivanje koncesije:

Kriteriji za izbor najpovoljnijeg ponuđača biće posebno bodovani i to po slijedećim osnovama:

R. br.	Kriteriji za izbor najpovoljnijeg ponuđača	Bodovi po kriterijima
1.	Visina koncesione naknade mora biti jednoobrazna za kompletan koncesioni period Za eksploataciju i korištenje sanitarne i tehnološke vode je min. 0.10 KM/m ³ iskorištene vode	do 50 bodova
2.	Pokazatelji finansijskog stanja ponuđača (za pozitivno poslovanje) Ponuđači koji ne mogu dostaviti pokazatelje finansijskog stanja po ovom kriteriju ne mogu ostvariti pravo na bodove	do 10 bodova
3.	Ulaganja u infrastrukturne i privredne objekte:	do 30.000 KM..... 5 bodova preko 30.000 KM 10 bodova
4.	Drugi uslovi iz poziva na Javni natječaj - Dodatni kriteriji:	
4.1.	Vlasništvo nad zemljištem na kojem je izvoriste (bunar), koje je predmet koncesije.	do 20 bodova
4.2.	Samoinicijativna ponuda koja je služila kao podloga za pokretanje postupka za dodjelu koncesije	10 bodova
	Ukupan maksimalan broj bodova:	100 bodova
	Najbolja dostavljena ponuda po prednje navedenim kriterijima dobija najveći broj bodova, svaka slijedeća ponuda dobija bodove proporcionalno u odnosu na najbolje dostavljenu ponudu.	

10. Podnošenje ponuda

Rok za podnošenje ponuda je **30 dana** od dana objavljivanja Javnog natječaja. Ponude se predaju **pojedinačno** u zapečaćenom omotu sa naznakom:

„Ponuda na javni konkurs za dodjelu koncesije za istražne radove, eksploataciju, preradu i korištenje sanitarne i tehnološke vode iz izvorišta zatvorenog tipa (bunara) u količini do 3 l/s, na lokalitetu „Industrija“ na području općine Vitez” - NE OTVARATI“.

na adresu: Ministarstvo poljoprivrede, vodoprivrede i šumarstava, Prnjavor 16 A, 72270 Travnik. Ponuđači ponude dostavljaju na jednom od službenih jezika u BiH, a strani sudionici na engleskom jeziku uz prijevod ovlaštenog sudskog tumača.

11. Naknada za učešće

Naknada za učešće na Javnom natječaju za dodjelu koncesije za istražne radove, eksploataciju, preradu i korištenje sanitarne i tehnološke vode iz izvorišta zatvorenog tipa (bunara) u količini do 3l/s, na lokalitetu „Industrija“ na području općine Vitez, koju je svaki ponuđač dužan uplatiti, a primjerak uplatnice priložiti uz ponudu, iznosi: **1.500,00 KM, bez mogućnosti vraćanja naknade.**

Uplatu izvršiti na račun Budžeta SBK:

- ASA BANKA d.d.
- Svrha doznake: naknada za učešće na konkursu
- Primalac: SBK-Ministarstvo poljoprivrede, vodoprivrede i šumarstva Travnik
- Račun: 134-113-0360000194
- Vrsta prihoda: 722 429

Poziv na broj: (0621467625)

- Budžetska organizacija: 1901001
- Šifra općine: Općina Travnik 091

Ministarstvo zadržava pravo da u bilo kojem dijelu postupka, poslije objavljivanja Javnog natječaja, može poništiti natječaj bez obrazloženja. Ministarstvo neće snositi nikakvu odgovornost prema učesnicima postupka, niti snositi nikakve troškove učesnika postupka.

12. Otvaranje ponuda

O terminu otvaranja ponuda učesnici konkursa će biti naknadno obaviješteni. Zainteresovani ponuđači mogu dobiti informacije na telefon broj: 030/511-218, u Ministarstvu poljoprivrede, vodoprivrede i šumarstva Srednjobosanskog kantona.

Adresa: Stanična 43, Travnik, tel: 030 511-218 fax: 030 518-335.



MINISTAR

Advan Akeljić, dipl.iur.